

青頭獅是台灣地方傳統文化，伊佇磅空內修行五千偌年，一隻活骨的猴山仔將共伊啞出來，為百姓祈福，獅仔的猜疑性真懸，會看清楚環境才出洞，這段表演叫做「祥獅出洞」。咱們就來講這段故事。

話講---佇古早時陣，佇深山林內的磅空內，住著一隻修行千年的青頭獅，逐工食樹葉佻果子，因為修行真認真，道行愈來愈高強，已經會當幻化做人形矣。

佇修行這段時間，定定有一隻愛耍又閣狡怪的猴山仔來磅空前迺迺，這隻猴山仔真活動，三不五時會擲果子予獅仔食，想欲戲弄這隻獅子。

這工日頭赤焱焱，非常燒熱，這隻獅仔佇磅空內底睏，猴山仔又來攪擾牠，擲兩粒果子，啞伊出洞來迺迺，獅子就親像釘根全款，無想欲插伊，繼續睏。猴子看伊紋風不動，變(bi)無輟，擲一張告示單予伊，就氣怱怱離開。

原來，當今皇太后得著怪病，所有的大夫攏總想無步，賞金百兩著整人。獅子修道期間有修鍊醫術，醫術相當高明，伊感念皇帝的孝心，決定幻化做人形，醫治皇太后。青頭獅佇節脈開藥單了後，嘛佇皇宮踏「四門、七星步佻八卦步」，祈福佻阻擋邪靈惡煞，果然共皇太后的怪病醫好了。人咧講：食人一口，還人一斗，皇帝足歡喜的，論功行賞，黃金百兩，升官發財。毋過獅子攏總無愛。皇帝感念伊的恩德，特別賞賜獅仔為「王」來答謝伊。

轉去修行的青頭獅子，額頭有一個「王」字，日子一下久，愛耍好玄的猴山仔，猶原是定定走去共獅子攪吵，嘛定定請這隻青頭獅出洞為百姓祈福。希望我的故事嘛會當為大家帶(tua)來好運。我的青頭獅故事就講到遮，多謝大家。